



An Bhruiséil, 30 Meán Fómhair 2019
(OR. en, de)

Comhad Idirinstitiúideach:
2018/0189(COD)

12464/19
ADD 2

CODEC 1417
PI 132

NÓTA MAIDIR LE MÍR "I/A"

ó:	Ardrúnaíocht na Comhairle
chuig:	Coiste na mBuanionadaithe/An Chomhairle
Ábhar:	Dréacht-Rialachán ó Pharlaimint na hEorpa agus ón gComhairle maidir le gníomhaíocht an Aontais tar éis a aontachais le hAcht na Ginéive de Chomhaontú Liospóin i dtaca le Sonrúcháin Tionscnaimh agus Tásca Geografacha (an chéad léamh) – Glacadh an ghnímh reachtaigh = Ráitis

Ráiteas ón nGearmáin, ón bhFrainc, agus ón bPortaingéil

Tacaímid lena bhfuil beartaithe ag an Aontas, i.e. aontachas le hAcht na Ginéive de Chomhaontú Liospóin i dtaca le Sonrúcháin Tionscnaimh agus Tásca Geografacha, chun gur féidir leis an Aontas a inniúlacht eisiach a fheidhmiú mar is ceart i ndáil le sonrúcháin tionscnaimh agus tásca geografacha faoi chóras na Liospóine. Ach a ndéanfar an t-aontachas sin, beidh dualgas ar an Aontas aitheantas a thabhairt do chóras cosanta ina gcuimseofar *inter alia* táirgí neamhthalmhaíochta. Fágann sin gur den tábhacht go dtabharfaí cosaint a luaithe is féidir do shonrúcháin na dtáirgí neamhthalmhaíochta sin san Aontas. Iarraimid ar an gCoimisiún togra maidir le rialachán darb ábhar an chosaint sin a thíolacadh go gairid tar éis aontachas an Aontais le hAcht na Ginéive.

Ráiteas ón Danmhairg agus ón tSualainn

Tacaíonn an Danmhairg agus an tSualainn leis an gcuspóir, lena n-áirithítear ardleibhéal cosanta agus forfheimiúcháin maidir le cearta maoiní intleachtúla ach gur ar na cearta bunúsacha maoiní intleachtúla is ceart an bhéim a leagan. Táimid fós in amhras maidir lenar féidir a bhaint as aontachas an Aontais le hAcht na Ginéive de Chomhaontú Liospóin i dtaca le Sonrúcháin Tionscnaimh agus Tásca Geografacha. Bíodh sin mar atá, tá glacadh ag an Danmhairg agus ag an tSualainn leis an togra comhréitigh reatha ar an ábhar nach sáraíonn sé raon na cosanta a thugtar faoi láthair faoi dhlí an Aontais.

Ráiteas ón Ísiltír

Tacaíonn an Ísiltír lena bhfuil beartaithe ag an Aontas, i.e. aontachas le hAcht na Ginéive de Chomhaontú Liospóin i dtaca le Sonrúcháin Tionscnaimh agus Tásca Geografacha, chun gur féidir leis an Aontas a inniúlacht eisiach a fheidhmiú mar is ceart i ndáil le sonrúcháin tionscnaimh agus tásca geografacha faoi chóras na Liospóine. Tá glacadh ag an Ísiltír leis an togra comhréitigh reatha ar an ábhar nach sáraíonn sé raon na cosanta a thugtar faoi láthair faoi dhlí an Aontais.
